

四庫全書

子部

欽定四庫全書

子部

普濟方卷二百五十六

詳校官太醫院使

臣張聲基

編修臣倉聖脈覆勘

總校官中書

臣朱

鈐

校對官中書

臣范來宗

謄錄監生

臣左熙世

欽定四庫全書

普濟方卷二百五十六 明

周王朱橚 撰

雜治門

雜病

誠齋先生如神丸

檳榔 枳殼 皂莢 大黃

生熟 牽牛 生熟

右各等分為末滴水為丸如梧桐子每服十五丸病甚者一百丸量虛實老幼服之孕婦不可服頭痛腦

疼川芎薄荷湯下耳鳴腮腫荊芥煎湯下牙齒疼痛
細辛煎湯下咽喉腫痛桔梗甘草煎湯下遍身癰疹
瘙痒丹毒赤瘤升麻湯下心滿悶疼痛痰結枳實半
夏湯下兩脇肋疼痛牽引背痛牡丹皮湯下癰癰積
聚瘰氣塊蓬朮甘草湯下赤白痢裏急裏重小腹疼
痛甘草湯下一百丸如裏急後重五十九腸風痔漏
肛門疼痛皂角子破煎湯下膀胱疝氣陰囊腫硬或
數便茴香湯下腰脚膝疼牛膝湯下面頭手足浮腫

脹滿桑白皮湯下上氣喘急日夜不得卧甜葶藶湯
下胎死腹中包衣不下桂心麝香酒下打撲損傷瘀
血在內腹脹疼紅花當歸湯下宿食不消嘔吐噎氣
丁香湯下麩毒酒毒乾葛湯下大人小兒諸般虫積
疼先食燒肉數塊次用苦楝根煎湯下婦人月水不
通腹肚疼痛赤芍藥湯下

奪命丹

沒藥

半兩
別研

血竭

二錢
別研

巴豆

去皮不
去油

右前味別研入已豆搗成丸如梧桐子大每服一九
苦急心痛木香湯下氣食積陳皮湯下婦人月水不
行紅花酒下婦人血瘕當歸酒下丁瘡摘皮水下涼
水亦得癰疽腫毒連翹湯下便毒瓜蒌湯下打撲傷
損酒下

青金丹 治一切諸病

川烏頭炮 草烏頭炮 已豆油去皮 乾姜炮

右等分為末酢糊丸如桐子大青黛為衣每服二九

若疳瘡黃連湯下一切膈氣木瓜湯下口吐酸水生
姜湯下諸風氣防風湯下疥癬姜湯下胸膈內痛杏
仁湯下切淋瞿麥湯下大小便血大黃湯下陽毒傷
寒麻黃湯下陰毒傷寒葱白湯下夜多小便吳茱萸
湯下心熱脹金銀花下肺氣喘息紫蘇湯下胃氣不
和鹽湯下溺血塊豉湯下舌上瘡柳枝湯下腸風發
五靈脂湯下宿食不消米湯下咽喉痛薄荷湯下瘡
疾桃心湯下省目夜明沙湯下暑氣井花水下眼疾

米泔水下

治癰

白木錦花 紅木綿花 射香許少端午日馬齒菜

右為末水調服之

崔中丞煉鹽黑丸方

食鹽

一升搗末內粗磁瓶中實築泥頭固初以糠火燒漸漸加炭火勿令瓶破候徹鹽如水汁

即去火其鹽冷豉一升桃仁一兩和麵巴豆二兩
即凝破瓶取炒焦炒令熟

膜用紙令出油盡

右須生熟得所恐熟過則力少生則損人其物製畢各自研搗成熟藥秤量蜜和丸如梧桐子大每服三丸皆平旦時服天行時氣鼓汁及茶下並得服後多喫茶汁行藥力心痛酒下入口便止血痢飲下初變水痢後便止鬼瘡茶飲下骨蒸白蜜湯調下忌冷漿水合藥久則丸稍加令大凡服藥後吐痢勿怪服藥一日忌口兩日吐痢若多則煎黃連汁服止之平旦服藥至小食時已來不吐利者或遇殺藥人即更服

一兩九投之其藥冬中合臘月尤佳磁盒子中盛貯以臘紙封之勿令泄氣清和崔能云合一劑可救百人天行時氣卒急諸藥不得又恐過時或在道塗或在村落無諸藥可但將此藥一刀圭即敵大黃朴硝數兩曾試有效宜行於閭里間及使輩若小兒女子不可服多被攬百唐方又有藥鹽法出於張文仲唐之士大夫多作之

麥門冬湯

出拔萃方

治勞復起病人氣欲絕者用之有效

麥門冬一兩甘草二兩粳米半合

右將門冬去心為細末水二盞煎粳米令熟去米約湯一小盞半入藥五錢棗二枚去核新竹葉十五片同煎至一盞去滓大溫服不能服者用綿滴口中候漸治小兒不能灌注者宜用此綿滴法此方不用石膏以其三焦無大熱也兼自欲死之人陽氣將絕者故不用石膏若加人參大妙

魚膽丸 治一切病不問年深日近並皆治之却是小

兒驚風藥方為阮吉苦患眼日久不差候以小兒驚風藥元點在內頓然閃開漸覺光明以此傳眼藥

鷄爪黃

四兩去毛

龍膽草

二兩

苦參

一兩半

右水四碗浸一夕當歸一兩洗各入鍋內慢火熬至半碗約濃却濾去滓再入銀器內熬濃就火上入礪砂射腦盆砂各少許用好真者

神仙追毒丹

大黃

芒硝

牛蒡

各一兩半

右為細末煉蜜為丸如彈子大用硃砂血竭為衣童子小便溫酒下

秘方元明粉

出本草

夫玄明妙也玄之又玄不可言也如

何此藥不名丸散却言其粉能為人助顏色駐容隨物性粉乃白也水之性也能方能圓能曲能高能下此藥上善若水也用火煉乃水火既濟也陰陽混合也為一號曰玄明也昔唐玄宗問近臣如何得延壽近臣聞華山有一真人姓趙當求其方於是玄宗遣

使命宣真人至問真人壽命幾何答曰三百六十矣
又問真人曰有何法術答曰常服玄明粉得其長命
更治百病玄宗又問終南山劉真人壽多少答曰三
百餘矣又曰何至於此答曰只服玄明粉得長生又
且治百病益精氣不問男女俱可服之孕婦服之安
胎定子產婦服之益氣自安令人悅澤開胃磨脾久
服身輕體健延年明目其功不可具述如要煅煉成
藥用朴硝依後法製度

朴硝

五斤用沸湯炮成水定了于鍋釜內將文武

火淨潔再將麻皮纏了將鍋內盛膏藥來堅收於竹筒內安定房內地上淨處二三日出火毒取出竹筒用白炭煨煉一炊時取出藥響白黃色罷于地上出火毒如藥白色上等也黃色中等也黑色傷人終不可服之每煨出一斤重加甘草細末二兩於食後服二錢任意加減至七日微利取出黃黑物來此是投病根也又云每日空心服二錢用人參湯下常出黑糞甘草或薄荷湯下或如膿狀不痛不倦服至半月漸覺顏色非常快飲食百病皆除

右各用引治之法若中毒米湯下茶湯亦得春三月黃芪湯下夏三月附子湯下秋三月赤箭湯下冬三

月茯苓湯下骨蒸赤箭子湯下半錢重一切氣腫木
香豆蔻湯下飲食過度神麴湯下中生物膾酒下三
錢胸膈茶清下天行病黃芪湯下熱病砂糖水下勞
病芪湯下白痢茱萸湯下姜湯亦得赤痢甘草湯下
虛熱米飲下腰背疼地黃湯下婦人死胎不出葵菜
湯下疰辟病續斷湯下氣塊粉草湯下三十六種風
荊芥湯下牙痛姜湯下心痛棗子湯下艾酢湯亦可
四時傷寒麻黃湯下口瘡赤眼臟燥梔子湯下除手

足風心氣舒展熱酒下一錢吐血水生麪下腹肚痛
醋湯下產後血氣衝心疼當歸芍藥湯下癰腫諸瘡
癰黃芪湯下二十四種冷病白湯下咳嗽唾痰黃芪
湯下瘡疾挑頭湯下採東南者七箇陰毒傷寒附子
湯下陽毒傷寒葱白湯下頭旋荊芥湯下無辜瘡吐
逆甘草湯下嘔吐不止木瓜湯下筋轉霍亂木瓜湯
下腹中滿悶姜湯下兩脇脹痛酒調下下原虛冷五
靈脂湯下小腸氣疼苦楝子湯下腎餘氣桃仁湯下

大小便不通葱白湯下腸風瀉血蒲黃湯下白帶乾
姜湯下赤帶甘草湯下紅豆湯下亦得五疳八痢米
飲湯下五般膈氣陳米湯下腸風漏血槐花湯下五
勞柴胡湯下酒毒酒下五臟反熱杏仁湯下邪氣入
腹硃砂湯下瘡蜜水下食勞蠱氣麴湯下骨髓風痛
防風湯下風狂麴湯下耳聾驚管石羔湯下耳內蟬
鳴茱萸湯下赤眼疼黃連湯下翳膜秦皮湯下羞明
怕日木賊湯下喉痺磨刀水下鬼吹氣麝香湯下鬼

魃鬼吹神砂湯下邪氣衝心頭髮燒灰湯下驚產草
龍膽湯下脉息不定白豆蔻湯下婦人血氣疼當歸
湯下脫肛龍骨湯下經脉不行地黄湯下小兒癰塊
丁香湯下小兒夜啼桃仁湯下喉風飛礬燒湯下盜
汗不止木瓜湯下麻黃根亦可小兒驚風薄荷湯下
惡瘡入腹白芨湯下小兒吐瀉葱白湯下小兒腹脹
木香湯下小兒五疳黃瘦不思飲食乳汁不多遍身
風疹防風湯下傷積桔梗湯下骨風川牛膝湯下木

瓜湯亦可猪癰病硃砂藿香湯下中風胡桃湯下荊
芥湯防風湯亦可丁瘡蜜水下婦人死胎蘿蔔子湯
下上盛下虛熱酒下膀胱疝氣茴香湯下兩脇氣攻
木香湯下肺氣桃仁湯下宿食不下白湯下上焦熱
燥薄荷湯下氣病陳皮湯下腿腳轉筋井花水下水
瀉黃芪湯下痰壅烏梅湯下

清神湯

胡椒

二兩

川芎

半兩

甘草

一兩

右為細末每服一字用白沸湯調下

杜蘅湯 主吐百病

杜蘅

松蘿各三
瓜子七
兩枚

右呖咀以酒一升一合漬一宿去滓分二服若一服
即吐止未吐者更服相去如行十里久冷藥力盡服
一升稀糜即定老小用之亦佳

治趺方

出神效方

右以水調白麴稀稠得所糊趺上以紙封之明日便

可乾如不魯破者剥去麪便行

治人嗜卧喜睡

出肘後方

右用父鼠目一枚燒作屑魚樣和注目皆得不眠兼並取兩目以紗作袋盛帶之

治汗不溜瘦却腰脚痛并耳聾

出本草

右以米醋浸荆三稜三四日冬浸六日杵為末醋調和下三錢半

治好食生茶

右用椒末不拘多少以水糊丸如桐子大茶下十九服不拘時

治雜病方

右用枸杞子最肥者一升搗破內絹袋置礮中以酒一斗浸乾蜜封勿泄氣三七日每旦飲之任性勿醉

治朝暮連夜不得眠

出本草

右以新布火炙以熨其目并蒸大豆便用囊盛枕之待枕冷後更易熱者終夜常枕熱豆即愈

療人嗜眠喜睡

出肘後方

右以馬頭骨燒作灰末方寸匙日三夜一溫茶湯調

和服

又方

出肘後方

右以麻黃木香各五分甘草三分日中南搗末一方寸匙許日三溫茶調服

治人適他方不服水土與病有異即其狀也

右用鞋底下土刮取末和水服之

療諸疾病方

按藥子一物婆羅門胡名般疎樹子國人名藥子用
此藥療病唯須細研勿令麤皆取其中仁去皮用之
而今以藥子中仁二枚若卒得吐瀉霍亂蟲毒臍下
覺絞痛赤痢心腹脹滿宿食不消蛇螫毒入腹被毒
藥箭入腹以煖水二合研碎藥服之如疽瘡附骨疽
痛腫丁瘡癰腫者量瘡大小以煖水碎和猪膽封上
熱癰腫冷遊腫癰瘡用醋研封蛇惡毛蝎蜈蚣等及

沙虱射工用暖水研赤莧和藥封之婦人產後腹中
或絞痛及惡露不下痛中瘀血不散杯酒研藥候溫
服之帶疾暴下以粟汁研藥溫服之齟齬食齒細削
之內孔中立愈其擣末篩着瘡上甚生肌此出本草
成方

治野鷄病

右用枳殼根皮為末每服方寸匙米湯調下

治脫陽證或因吐血大泄之後四肢逆冷元氣不接不

醒人事或傷寒新瘥誤與婦人交其證小腹緊痛外
腎搐縮面黑氣喘冷汗出亦是脫陽證須臾不救可
危先用葱白數莖炒令熟熨臍下用後藥

附子

一枚五錢
許對八片

白朮

乾姜

各半兩

木香

一分

此藥不可限感證不同煨湯使服之一切風疾炒烏
豆淬酒下卒中僵倒或醉酒不醒生姜湯研三五粒
灌下小兒驚風天癰五種癰疾入京膩粉少許煎金
銀薄荷茶下沉寒痼冷生姜湯下一切氣疾茴香湯

下頭風暗荊芥湯下咳嗽痰涎半夏湯下肺氣攻衝
杏仁湯下瘡疾烏梅湯下水瀉乾姜湯下痢疾甘草
湯下脚疾濕氣木瓜湯下酒傷食積陳皮湯下腸風
胡桃湯下傷寒蜜葱豉湯下時行疫疾山嵐瘴氣不
服水土藁本湯下中毒甘草水研灌下牙痛夜卧含
化牙宣噴竅中婦人血風血氣當歸酒下血臟虛冷
赤白帶下血淋血暈燒稷攪灰研細調酒下腰背疼
痛渾身勞倦溫酒下常服食後茶下此藥本訣傳神

聖功效不可盡述孕婦不可服

建中湯

出易簡方

治腹中切痛增損治療各各不同並見於

後飲酒人不喜甘者不宜服之此藥與桂皮湯畧同不但加芍藥如官桂之數專治傷寒發熱自汗用桂皮湯以表之

桂枝

兩

芍藥

兩

遠志

半兩

黃耆

半兩

右各研細用水二碗煎至八分去滓放冷灌服須臾又進一服合滓併服如無前藥用桂皮二兩用好酒

二升煎至一升候溫分作二服灌之又無桂皮用蔥連鬚三七莖細剉沙盆內研細用酒五升煮二升分作三服灌之陽氣即回先用炒鹽熨臍下氣勿令氣冷又無蔥白用生薑二七片亦好依前法

砂香丸

出和劑方

治丈夫婦人時疾傷寒解五毒治潮熱積

熱及小兒驚癇百病等疾並皆治之

辰砂

飛研九兩

巴豆

三百一十五粒

去皮心

膜炒熟細研如麩油

龍腦

研牛

黃

研膩粉研麝香研各金箔九十片研

黃

研膩粉研

麝香

研各

金箔

九十片研

右各研勻煉黃蠟六兩入沙蜜三分同煉令勻為丸
每兩作三十九解五毒治潮熱積熱等疾如治潮熱
積熱傷寒結胸發黃狂走燥熱口乾面赤大小
便秘煎大黃炙甘草湯下一丸毒利下血煎黃連湯
調膩粉少許若患酒毒茶毒氣毒風痰伏痞吐逆等
並用膩粉龍腦米飲下中毒吐血悶亂煩燥欲死者
用生人血下立愈小兒百病驚癇急慢驚風潮搐搦
用龍腦膩粉蜜湯下棗豆大二丸諸疾食積熱煩赤

煩燥睡卧不寧驚哭瀉痢並用金銀薄荷湯下更量
歲數加減大人及婦人因病傷寒時疾陰陽氣交結
伏毒氣胃中喘燥眼赤潮發不定再經數七八日已
下至半月日未安醫所不明脉息證候交亂者可服
一九或分作三九亦可並用龍腦膩粉米飲調下半
盞已愈凡下一切惡毒并藥丸瀉下仍須收取水洗
淨以油單紙裹埋入地中五日取出可再與大人小
兒依法服一九救三人即不堪使如要藥速行即用

針搶一眼子冷水浸少時服之即效

萬靈湯

舊名萬靈散

和養三焦調順陰陽升降痞滯祛遺寒

邪溫中散濕暖脾胃滋助氣血思羨飲食虛寒痼
冷痰辟動氣心膈疼痛噎悶嘔逆一切氣疾不日痊
愈

前胡

去蘆頭

柴胡

去苗

秦艽

去土

甘草

炙各半斤

懷香子

炒

木香

桂

去粗皮

檳榔

十枚

肉豆蔻

去殼半斤

芍藥

半斤

青

橘皮

去白半斤

芎藭

半斤

桔梗

四兩

甜葶

半斤

微炒

右粗搗篩每服三錢半水一盞大棗二枚擘破同煎至七分去滓食前溫服

鐵刷湯 治胃氣不和心腹疼痛飲酒過度嘔惡噦心脾疼翻胃內感風冷腸鳴泄瀉婦人血氣刺痛並皆治之

香附子 六兩 桔梗 一斤半 甘草 一斤 肉桂 去粗皮四兩 乾姜

茴香 各半斤 良薑 陳皮 各十兩

右除官桂外同炒為細末每服一錢入鹽少許沸湯

點下常服快樂不拘時

經驗萬病無憂散

出醫學切問

治男子婦人遠年近日沉重

氣塊水腫血蠱氣蠱小腸膀胱偏墜奔豚氣腎臟脚
氣十膈氣翻胃吐食心氣疼痛肺脹咳嗽吐血鼻衄
腸風下血五淋腰疼三十六種風二十四般氣婦人
赤白帶下癥瘕血塊並皆治之一服見效五更初并
花水調下天明時取下其病自出惡物自下然後補
之神效

檳榔 雷丸 管仲 大腹皮各二兩 京三稜 蓬

朮 鶴虱 木香各二錢 甘草四兩 大黃十兩炒 粉霜二錢

牽牛頭末一兩半生者

右為細末每服五錢五更初鷄不叫人不知井花水調服天明取下病根忌生冷

華陀虎骨膏出肘後方療百病

虎骨 野葛各三兩 附子十五兩重九個 椒二升 杏仁 巴豆

去心 芎藭切各一升 甘草 細辛各一兩 雄黃二兩

右各以苦酒漬周時猪脂六斤微煎三上三下完附
子一枚視黃為度絞去滓乃內雄黃攪使稠和蜜器
貯之百病皆瘳傳上唯不得入眼若服之可以棗大
內一合熱酒中須臾後拔白髮以傳處即生烏髮諸
瘡毒風腫及馬鞍瘡等疾洗即差牛領亦然

神仙太乙丹

出王氏博濟方

治諸疾藥若醫所不及者

硃砂

一兩出辰州者上不用夾砂石者

紫英石

一兩鐵粉一兩雄黃半兩

砒霜

半兩用信州者

太陰元精

半兩銀箔二十片

端午日南行

猪糞

燒灰後
秤一兩

金箔

二十片

麝香

一兩
別研

右件一十味先將難研者研細後於端午日侵早更

各研細了即一處同研令極勻候午時用粽子尖

艾

子須於端午日求取

面向南搜轉為丸如雞頭大凡遇大患時

每丸可療兩人小可疾病每丸可為三服

銀黃丹

舶上硫黃

研令碎
一兩

水銀

一兩

右先將未曾用過新銚子一箇坐於文武火上令暖

入水銀在內片時後入硫黃用柳木槌子研令鎔
勻後拈銚子放冷取出細研却入前方藥同研令勻
和搜此藥本為龍虎太乙丹蓋用此二味故也傳多
隱之此藥經久不壞其功益盛收時以金銀器或埴
器內盛貯仍以硃砂同入合收之其湯使如後○凡
草木蟲魚鳥獸菌蕈等毒並用溫酒和童子便磨下
○一切藥毒鬼毒如前法下○金石毒炒鷄鴨糞淋
酒磨下○瘟疫用炒生薑湯磨下狂走不識人者生

薑蜜水磨下。○麻豆瘡生薑蜜水磨下。○陰陽二毒傷寒三日後煨葱酒磨下。○五般瘴氣犀角末調酒磨下。○五般蠱毒炒烏鷄糞二合并竈心土三錢同用酒煎十沸去滓磨藥五更初服脚不得着地於牀上垂脚坐服之。○鬼交狐魅丈夫心神迷惑婦人則情意狂亂或懷鬼孕用桃仁七箇去皮尖細研酒調下。○丈夫婦人鬼瘡並用猪膽酒下。○飛尸遁尸煎桃枝酒下。○屍症鬼症麝香酒下。○藥箭毒桑白皮

酒下。○中虎毒沙虱毒磨犀角黃連酒下。○鰲癰龜
背磨犀角麝香酒下。○蛇咬虎傷炒烏雞糞酒淋下
○驢涎馬汗馬血入肉悶絕欲死者水蛭末調酒下
心燥氣擁煎金銀酒下。○心痛氣絕炒生薑鹽酒下
○大便不通煨葱白酒下。○小便不通煎通草湯下
○腫毒入肚磨犀角酒下。○脚氣衝心豆淋酒下。○
銅銀冶爐煙入腸煨葱酒下。○婦人血暈煎當歸酒
下。○丈夫婦人中急風炒烏雞糞酒淋下如牙關禁

開口不得用半夏末揩牙并塗兩牙關則口開灌藥
○心風用活地龍一條內於生葱管內同研令爛少
酒投之取清者一盞下頭風煎枸杞酒磨下○喉閉
壅塞薄荷酒磨下細細嚥之○一百二十般風癇以
黍粘子酒下要除根一九分作兩服空心臨卧各一
服效如有人卒暴死牛馬糞清磨下如未醒再用童
子小便和酒下○傷折或至死者當歸酒下○驚怖
死者麝香酒下○魘魅欲死者新汲水調竈心土磨

下更以吹鼻中不得叫喚有燈即不得吹滅如無燈
即不得點上○中熱死口鼻血流用牛黃酒下又以
小便沃用熱灰擁心上冷則易之○溺水死者放水
出後以新汲水和半夏末二丸安鼻內艾灰酒下自
縊死者緩緩解下不得割斷繩子酒和鷄冠血并童
子小便磨下男子雌鷄冠血女人用雄鷄冠血下仍
用鷄冠血磨丹塗喉上次以四人將小筒子於兩耳
鼻內齊吹如活後更服藥十日凡一切惡疾至死者

但心頭暖尚可救下藥扶起令藥行即相次活矣此藥須皆空心面東服之疾甚者不過再服若急疾卒病且以酒童子小便磨下服然後依所患湯使服之或病深重須吐瀉者則服一九如吐瀉過多則以茱豆末一錢水調服之立止忌熱食白牛肉猪肉一切臭穢物如孕婦人不可服之

聖驗黑神丸

出朱氏集驗方

成都府招覺府潛庵道人真本

防風

去蘆剉焙

川烏

好墨

剉焙

川附子

炮

檀香

各半兩

麥

子去心 蘆香葉去土 白茅 何首烏剉用生薑汁

再二錢浸之宿焙 乾姜 白殭蚕油炒 全蝎薑汁浸

天南星炮裂熟片切薑汁小半盞同泡了甘草 白

附子炮十分裂熟以薑汁同泡 阿膠水浸蒸糯米

錢細辛去葉 白芷炮 香附子炒去毛拍碎以薑汁

二宿焙 川芎剉焙各 皂角莢燒煙 甘松去土剉焙

半夏湯洗十次炒令熟切片用生薑汁兩盞 草豆

薏拍破去皮生薑 白朮 縮砂仁去膜皮輕 麝香

別細研同龍腦同麝香滾藥末各一錢重官桂分三甘草炮熱剉

錢芍藥一兩半

右呖咀每服四錢水一盞半生薑五片棗三箇煎六分去滓食前熱服大治婦人血疼如男子疔痛心腹痛甚者加遠志半兩積氣作痛者當於應感丸方求之或吐或瀉狀如霍亂及胃涉寒濕賊風入腹拘急切痛加附子三分名附子建中湯疝氣作楚再於附子建中湯中煎時加蜜一筋頭名蜜附子湯更於參

蕪飲方中求之。又一方治男子婦人諸虛不足小
腹急痛脇肋脹滿臍下虛滿胸中煩悸面色痿黃唇
口乾燥身少力胸滿氣短腰背彊痛骨肉酸疼行動
喘息不能飲食或因勞過度或因病後不復加黃耆
一兩半名黃耆建中湯。一方婦人血氣虛損四肢
惰怠及產後勞傷虛羸不足腹中疝痛吸吸少氣小
腹虛急痛引腰背時自汗不思飲食加當歸一兩名
當歸建中湯若產後半月每日三服令病人健壯若

腹中尚有餘痛乃有敗血停留則不可服之宜用大聖散并加醋五積散之類

透羅丹

出王氏博濟方

治下虛積至妙

粉霜

二錢半別研

鉛白霜

一錢別研

輕粉

二錢已下為衣子

生龍

腦錢

一錢半

金箔

十片

水銀

約用半

伏谷信砒

砒半錢別研

每煨一兩用硝石

煨

二錢半

滾研入合內固

剎候乾用灰蓋

熟火三斤撥飛火去皮二分住火放冷然後取出

右除水銀外一處研令勻用棗肉和為丸如鷄頭大

以筋點眼子入水銀在內却合丸用留下粉中滾為

以筋點眼子入水銀在內却合丸用留下粉中滾為

以筋點眼子入水銀在內却合丸用留下粉中滾為

以筋點眼子入水銀在內却合丸用留下粉中滾為

以筋點眼子入水銀在內却合丸用留下粉中滾為

衣棗肉不得肥水幅不細恐難九治病如後○結胸傷寒四肢逆冷

心腹結硬熱燥悶亂時氣傷寒得汗後發狂狂言亂
道不認親疎甘草湯下二九○產後血氣上攻及上
喘不止心腹脹滿因傷寒時疾汗後餘熱不退發狂
妄走不止用甘草湯下二九潮熱傷寒夜發晝止有
似瘧疾溫漿米水下二九風癰邪氣及心風婦人血
邪冷甘草湯下二九產前要疎動不損胎氣去却水
銀溫漿水下二九如不行再服○久患脾毒瀉血及

赤白痢晝夜五十行每服一九一日可兩服溫漿水下

靈砂丹

出王氏博濟方

治衆疾

硃砂

半兩 大附子

一兩炮

生白朮

一兩去白

麝香

一兩炮

杏仁

一兩去皮尖

巴豆

春冬用一百个秋夏五十个以水五升慢煮三十沸

右先將巴豆以水五升煮令油出水盡為度細研與衆藥末和勻以粳米飯和為丸如豌豆大具治療如左常服消酒食以酒下或溫湯下○血痢生薑湯下

○痔漏腸風胡荽湯下○大風痰梔子湯下○心痛
熱酒下○踈利滯氣陳皮湯下○疾瘡醋湯下○肺
病及一切勞疾桃柳皮各一握煎湯下○腰痛膝疼
酒下○水瀉新汲水下○小兒癘風桃柳枝一握煎
湯下○大小便秘燈心湯下○腰脚風葱姜湯下○
霍亂木瓜湯下○血氣當歸酒下○發汗麻黃湯下
○腰疾生薑湯下○懷胎氣衝心酒下○一切風防
風湯下○陰毒傷寒熱酒下○吐瀉黃連湯下○虻

虫咬心冷水下。宿食不消白湯下。頭痛不止白湯下。脾氣膨脹茶下。疰癖氣丁香湯下。五勞七傷枳實湯下。口瘡棗湯下。脚氣上攻心胸熱湯下。心痛打損酒下。傷酒傷食各隨色湯下。敗血不散米飲下。難產黃葉湯下。小便澀大黃湯下。肺氣咳嗽杏仁湯下。眠昏黑花黑豆湯下。牙疼茱萸湯下。小兒腹脹石榴湯下。乍寒乍熱桃心湯下。懷胎不安芎藭湯下。口吐酸水訶子

湯下○產前瀉利艾湯下○小兒五疳乳汁下○腹痛脇疼芍藥湯下大人每服五丸○小兒及患人相度虛實加減丸數

青金丹

出王氏博濟方

治衆疾

巴豆

二兩先去心膜皮用頭醋漬之乾更用硫黃煮一伏時取出不用硫黃杵三二百下研如

膏

青橘穰去吳茱萸

附子

已上各半兩並熟檳榔二

右為細末入巴豆膏煉蜜三兩入青黛半兩研細和丸如茱豆大每服三五丸至十九服餌如後○丈夫

遠年氣疼醋湯下。○丈夫背氣痛橘皮湯下。○五般
瘡疾艾湯下。○咳嗽杏仁湯下。○一切風冷挑柳枝
湯下。○痢疾烏梅湯下。○大便不通大麻子湯下。心
痛胡椒湯下。○婦人血氣不通當歸湯下。○赤白痢
黃連湯下。赤服梔子湯下。○血汗葱白湯下。○中毒
桔梗湯下。○赤白帶芍藥湯下。○霍亂木瓜湯下。○
水瀉不止米飲下。○稍轉生薑湯下。

金鏃散

出王氏
博濟方

治衆疾

白附子

炮取心半兩

木香

兩半

龍骨

三分

肉豆蔻

半兩

蝎

三十箇

肉桂

取心半兩

黃連

取淨一兩

桔梗

兩半

吳茱萸

半兩

白殭蚕

三分

人參

兩半

芍藥

兩半

川芎

兩半

知母

兩半

白朮

兩半

當歸

兩半

檳榔

生二個

熟猪牙皂角

半兩

巴豆

生

二兩法製日日換湯浸二七日又用麴炒細研

右件用極細末次入巴豆於乳鉢內同研令勻然後

用器調蜜於暖處候至七日後成散每用一字湯引

如後○卒中風羊髓酒下○頭旋菊花酒下○血淋

大黃酒下。腰膝痛醋湯下。死胎棗心水銀湯下。
二服取下。吐血竹茹湯下。腸風背陰繁柳草自
然汁入好酒又柳葉燒調酒下。寸白虫先喫牛脯
後以蕪荑湯下。霍亂吐血新汲水下。婦人血氣
暖酒下。肺氣喘杏仁湯下。小兒一切疾米飲下。
酒食傷姜棗湯下。冷血氣艾湯下。眼痛菊花
湯下。疝氣茴香湯下。五淋木通湯下。瘡疾蒜
醋湯下。久冷椒湯下。月脉不通熱酒下。赤帶

赤豆湯下。白帶艾湯下。食癥橘皮湯下。產痛
桃仁湯下。產後溫酒下。難產同驚風蝎稍湯下
并入小便少許。疳瘡等米飲下。赤白痢甘薑甘草
湯下。白痢白朮湯下。赤痢地榆湯下。中熱麻
黃湯下。鬼箭桃符湯下。如小兒勦蜜湯下。漆唆
姜湯下。虎風虎筋骨盡燒灰酒下。精神恍惚金
銀湯下。婦人淋葵菜湯下。赤眼甘草湯下。腰
膝痺冷牛膝湯下。吃噫橘皮湯下。肺氣蛤蚧湯

下○寒熱柳枝湯下○小兒誤吞錢膩粉湯下○水
疾苦胡蘆湯下○膈上熱淡竹葉湯下○熱毒風山
梔子湯下○腰疽姜棗調半盞下○誤吃水銀粉宣
不止煎黑鉛湯下○婦人血勞黃瘦病桂心湯服後
下黑血差鮮血不差○五勞猪膽湯服七日後鼻中
出鮮血差黑血不可治○小兒天癰風以蟬殼燒灰
入小便調下

治項氣方

出王氏
博濟方

猪靨

二七個於九上曝乾

甘草

一兩桑白皮一兩

黃蘗

少許膩粉五錢

刺椿頭根皮

一兩醋石榴根皮一兩

右為細末每服二錢以陳皮飲調下空心夜卧服忌

生冷油膩動風物

臍邪丹

出王氏博濟方

下虛積化脾胃久伏積滯洩瀉不止產

前產後亦可服食

巴豆

三兩用水一碗煮冷水盡却炒作聲乾姜一兩再用水浸七日去皮心出油用一兩

炮令熟

漏蘆

一兩去蘆頭九蒸九焙了取出一兩用

附子

炮去皮臍用一兩

右杵為末煮麵糊為丸如菜豆大以硃砂為衣每日
三九橘皮湯下

太乙金華散

出王氏博濟方

木香

官桂去皮白姜

陳皮去穰

白蕪荑

當歸

白朮

吳茱萸

各用一分大黃一分

檳榔

二枚一熟

附子

大者一枚
小者二枚

黃連

半兩去毛頭

皂莢

二挺不蛀者浸去黑一挺焙用一挺用酥炙無

酥蜜代之

巴豆

半兩用新汲水浸三日逐日換水去心膜別研如麵用

肉豆蔻

一枚

右為末次入巴豆肉同研然後將銚子傾入藥在裏

面後用盞合定以煑灰火上面銚子一兩時辰久又
取開盞子拭汗令藥性乾燥為度以匙抄動藥令勻
修合後一七日方可得服之依方引用神效。宣轉
用冷茶調下熱茶投之。霍亂煎乾菖蒲湯下。陰
毒傷寒發汗麻黃湯下。如血氣煎當歸酒下。一
切風漢防已煎湯下。產胎橫煎益母湯下。胎衣
不下暖酒下。腰脚疼煎姜葱酒下。胎產後血痢
煎當歸酒調下。小兒疳氣葱薑湯下咳嗽桑白皮

湯下杏仁湯亦得。食癥神麴湯下。吐逆姜湯下。
○瀉痢黃連湯下。○積氣茶下。○心痛蕪荑煎酒下。
○打撲損傷暖酒下。○小兒蛔絞冷水調下。○妊娠
氣衝心安胎酒下。○小兒腸頭出用甌帶燒灰水調
下。○大小便不通茶下以粥引。○赤白帶下白赤蜀
葵湯下。○腰痛履地不得酒下。○敗血不散米飲下
血刺煎茶湯下厚朴湯下亦得。○血痢地榆湯下。
血汗燒竹簞灰下須是久曾卧者。○因酒得疾酒下

○因肉得疾肉汁下○麵熱得病白湯下○室女血
脉不通衝心耳鼻青是中惡酒下可三服差脚氣冷
茶下○五勞七傷猪膽汁下柴胡湯亦得忌熱麵○
疥癬氣唯上法用之○口瘡乾棗湯下○小兒五疳
乳汁下○肺氣咳嗽杏仁湯下胃氣不和陳皮湯下
○一切瘡腫白蜀葵湯下○眼目昏黑茶湯下頭風
髮落大黃湯下○邪氣中心頭灰湯下○產後血衝
心酒下○懷胎體痛艾湯下懷胎動不得芎藭湯下

懷胎心痛蕪荑酒下○已上大人小兒每服一字斟
量與服請依方用神驗

九仙山何處士黑神圓

出王氏博濟方

巴豆

一新好者一兩輕搥去皮以長流水約兩碗浸一宿然後更煮三五十沸後冷麓去心膜以

布子拭去水然後研如膏用厚紙十數重裹以重物壓去油用豆豉者三兩須是新

妙不得用鹽煮乾與荊三稜生用大戟半兩生用

已豆膏同研勻細杏仁半兩燒過後

右藥杵羅極細方始入巴豆豉膏研勻後入杏仁更

研令極細了別研入飛羅麵半匙以井花水調如糊
漸次拌藥搜和得所入臼中搗三二千杵丸如菉豆
大曬乾收入磁瓶內合頓或微微火焙亦得具湯使
療如左○瘟疫時氣陰陽二毒傷寒及頭疼壯熱每
服十九或十五丸用葱白連鬚一莖好茶一盞潑葱
茶內蓋定片時吞下以衣被蓋或
吐或瀉或汗出便差如未吐瀉未出汗更○一切風
吃熱茶一盞便差但避風二三日將息

薄荷茶下五丸或七丸○傷寒腹脹姜湯下七丸○
一切氣橘皮生薑湯下五丸至十九○肺氣喘急杏

仁湯下五九。心痛醋湯下十九。小便不通葱湯下五九。血刺血瘕血癥煎當歸酒下五九至七九。牙呬上氣杏仁湯下五九。淋疾滑石湯下七九。赤眼山梔子湯下五九食後服。中惡心氣悶絕面青手冷桃仁湯下七九。水吐砂氣虛脹滿急大小便赤澁橘皮湯下十九忌甘草。眼昏葛粉湯下五九。疰刺氣桃仁湯下七九。水瀉新汲水下三九忌熱湯。赤痢山梔子七粒百草霜同煎下七九。

○赤白痢山梔子乾姜湯下七丸。○疳疾蛔虫粥飲下五丸。○食傷茴香湯下十九。○酒傷嚼下十九。○奔豚氣絞痛茴香湯下七丸。○水氣腫滿煎桑白皮湯下十九。○如腎瀉下五丸。○氣疾或上引攻心七棗湯下五丸至七丸。○小兒五疳八痢腹脹氣惡茴香湯下五丸。○四時宣轉以五更初溫茶下七丸。須臾熱茶嚥之。如轉瀉多以冷漿水服之即止。○凡有諸般疾狀只用熱茶酒任下五七丸無不差驗然當用

藥之時約人臟腑虛實加減丸數此藥實可珍重為
衛家之寶劑矣如修製巴豆子先以黃連水洗手凡
此察聽更須詳酌者矣

曼應丸

甘遂三兩芫花三兩巴豆二兩

去皮乾漆二兩

皂角

七枚去皮

大黃

三兩三稜

三兩蓬莪朮

二兩檳榔

一兩木通

一兩當歸

五兩雷

九一兩黑牽牛

五兩桑白皮

一兩五靈脂

五兩礞砂

三兩訶子

一兩煨二兩熱去麩澤瀉

三兩梔子仁

二兩

右各洗仔細剉入米醋二升浸三日入銀石器用慢火熬令醋盡焙乾再炒黃黑色存性入後藥同為末如後

木香 肉豆蔻仁

桂

陳皮

湯浸去白

青皮

湯浸去白

丁

香 黃耆 白朮

沒藥

附子

炮裂去皮

各一兩

芍藥

牡丹 赤茯苓

白牽牛

炒

鱉甲

醋裂炙

芎藭

天南星

水煮熟

地黃

酒浸一宿

芸臺子

炒

乾姜

各二兩

炮裂更

去皮

右同為末醋糊丸如菉豆大用在後須至誠靜室中
合方神驗也。結胸油漿水下七丸未動再服。積
滯食癥水下三丸。水氣通身腫茯苓湯下五丸。
膈噎丁香湯下三丸。因積成勞鱉甲湯下二丸。
一切痛醋湯下七丸。小腸疝癖茴香湯下七丸。
大小便不通蜜湯下五丸。心痛茱萸湯下五丸。
尸疰走注木瓜湯下二丸。腳氣疼石楠湯下五丸。
卒死以小便化七丸。白痢乾姜湯下一丸。赤

荊甘草湯下一九。胃冷吐食丁香湯下二九

神明白膏 治百病中風惡病及頭面諸病青盲風目

爛耳聾鼻塞齟齬根挺痛及癰腫疽痔金瘡癰疥方

吳茱萸 蜀椒 芎藭 白朮 白芷 附子

前胡 桂心 當歸 細辛

右咬咀醇苦酒於銅氣中淹浸諸藥一宿以成煎猪膏十斤炭火上煎三沸三上三下白芷色黃為候病在腹內溫酒服如彈子一枚日三目痛取如黍米內

兩鼻孔中以目向風無風可以扇扇之諸瘡痔齕齒
耳鼻皆主之皆以膏傅病在皮膚炙手摩病上日三
然後服末

衛侯青膏 治百病久風頭眩鼻塞清涕淚出霍亂吐
逆傷寒咽痛脊背頭項偏枯拘攣或緩或急或心腹
久寒積聚疼痛咳逆上氣往來寒熱鼠漏瘰癧節疼
腫關節盡痛男子七傷臃脹腹滿羸瘦不能飲食婦
人生產後諸病癰疥惡瘡陰疝腫蝕黃疽發背馬鞍

牛領瘡腫方

當歸 括樓根 乾地黄 甘草 蜀椒

各六兩半

夏^七桂心 芎藭 細辛 附子

各四兩

黃芩 桔

梗 天雄 藜蘆 皂莢

各一兩半

厚朴 烏頭 莽

草 乾姜 人參 黃連 寄生 續斷 青鹽

各三兩 黃野葛 各二分 生竹茹 六升 巴豆 二十枚 石楠 杏

仁 各一兩 猪脂 三斗 苦酒 六升

右㕮咀諸藥以苦酒漬一宿以猪脂微火上煎之三

下三上膏成病在內以酒服如半棗大在外摩之日

三

烏香正氣散 治雜病

大香附子

十兩去毛刮淨醋燻過

好烏藥

去心炒黃

右為細末行當侵晨衝胃風冷出入鹽點二錢零正

氣祛邪辟鬼魅疫癘慢風理氣進食兼治妊婦傷寒

葱白十莖生薑二兩同煎一碗作三服調藥熱服出

汗。治傷風吹颰胃冷頭眩項弦背皆痛用熱酒一

盞入蘇葉調服。治產後敗血攻心脾疼痛煎童子
小便調下。治婦人血海冷面黃髮落稀少米飯調
下。婦人髮落血衰經脉不調無顏色醋湯調下。
婦人血勞血癥血瘕血氣攻注疼痛當歸乳香酒調
下。婦人經脉過多血崩不止燒蘭灰一盞餘酒醋
同調下。婦人血氣衝心血氣不通血脉湛濁不勻
羌花酒調下。婦人難產取酸草子吞三七粒以童
子小便調藥吞下無草子用葉或根。男子婦人血

風血熱遍身紅痒漸成癩疾用荊芥酒調下○男子
小兒腹痛臟毒瀉血用栝葉焙乾碾羅一錢末同藥
三錢米飲調下○男子女人瘰癧小腹急男子小腸
氣膀胱腎腧氣冷氣攻衝背脊絞疼痛並炒鹽茴香
五靈脂滿酒調下○男子女人吐血咯血唾紅痰用
桑樹上黃赤未落葉為末一錢同藥飲調下○治蠱
毒疰忤鬼氣神昏用人參煎服○治大人小兒宿食
不消意氣不順噎逆不通一切氣病入生姜棗同煎

調下或鹽點服。治癰瘡疥癩瘡癰荅茶或酒調下。治大人腹中有虫小兒疳氣諸虫腹脹肚大面黃髮疎服精肉瘦肚并用檳榔磨湯調下仍空心服。治大人小兒脾寒瘡疾寒熱往來惡心頭疼用乾姜良薑各一小塊搥碎入鹽同煎。一切痔漏用枳殼末一錢酒調下。治大人小兒中焦痼寒積冷氣刺氣塊心腹膨胸膈滿悶脾胃虛弱嘔吐飲食胃冷多痰並入生姜十片大附子末一錢鹽一匙煎之。

治男子女人小兒中惡心痛腹疼男子小腹撮痛婦人脾血痛並用五靈脂蒲黃各一錢醋炒溶起熱再入酒一盞同調下。治大人小兒夜起頻數真阿膠用蛤粉炒成毬子為末用二錢同酒調下空心服。治大人小兒一切牙痛用荊芥草撥末對用揩牙荊芥湯漱去。治大人小兒冷熱不解瀉痢交作血氣不和用烏梅乾姜甘草湯調下。治大人小兒積熱不解酸漿草研自然汁二合并水同調下。

雜治

右用十月後收芋晒乾冬月食之不發病又和鯽魚或鯉魚作臠食之良

沉香如意丸 天台羅漢治丈夫婦人百病

宣連

焙去毛

乾地黄

洗切焙

大黃

生用

白茯苓

生用

厚朴

去皮

用姜汁抹各一兩半
內乾地黄用二兩

紫苑

生用

人參

二兩

川烏

削去皮
尖剉焙

漢防己

切焙

柴胡

剉焙

川椒

法醋炙
乾為度

羌活

剉焙

甘草

炙

麥門冬

去心焙用

白朮

熱灰煨
四分合一人參亦用一兩

已上各一兩一分

如肉

從容

洗切焙

石菖蒲

去毛切焙

檳榔

切焙

當歸頭

用好者大者

車前

子

焙

茯神

切焙

青橘皮

去白切焙

川芎

剉焙

木香

剉焙

皂角

不蛀者去皮核炙黃

巴豆

去殼心醋煮四五沸別研

吳茱萸

剉焙

陳橘

剉焙

陳橘

皮

去白切焙

桔梗

焙

黃耆

蜜炙剉焙

沉香

別研

肉豆

蔻

一兩畧去皮

乳香

別研

右為末入沉乳二香和勻用蜜一斤半煉過搜聚淨

石臼內杵三千下九如桐子大每服五九至七九至

十九此藥主皮胃疼痛心腹偏僻一切難療之疾或

臟腑積聚膈氣不通四肢勞倦氣塊大極如椀山風
瘴毒不問百病纔覺意思不快先進一二九服無不
效量虛實加減病狀如後。噎塞氣逆姜湯下。傷
寒不解葱白湯下。胸膈滿悶脾胃肚脹膀胱腎氣
苗香湯下。兩脇氣痛婦人血積葱醋湯下。番胃
吐食膈脹宿砂湯下。上氣喘嗽脾積良姜湯下。
心氣攻刺不可忍姜醋湯下。乾濕脚氣木瓜湯下
。小兒奔豚氣栗湯下三九。驚憂氣丁香湯下。

傷冷氣咳嗽馬兜苓湯下並空心食後服。傷食惡
心脹滿用生姜湯送下常服寬中順氣消滯用橘皮
湯送下。一切氣疾痰厥百藥醫不效者但誠至虔
心服餌

煉蜜法

右用蜜一斤十二兩煉取一斤半入北棗去皮核五
十箇合蜜同煉滴入水如珠不散為度

神靈丹

出醫學切問

杏仁

九粒

半夏

九粒

巴豆

九粒

防風

去蘆

滑石

草

烏頭

炮

雄黃

木香

朱砂

百草霜

各二錢

右為末醋糊丸如菉豆大朱砂為衣每服十五丸量
深淺加減服之。喉痺甘草桔梗湯下。食牛肉毒
溫水下。泄瀉陳皮湯下。五淋燈心湯下。白痢
乾姜湯下。赤痢甘草湯下。解一切毒甘草湯下
○癰疽瘡毒氣血不消生姜升麻湯下疥癩瘡毒白
蒺藜甘草升麻湯下。追取勞虫空心桑白皮湯下

脾積三稜蓬朮煎湯下。痰嗽生姜湯下。酒食所傷隨物送下。脚氣攢擲煎湯下。血痢烏梅煎湯下。打撲傷損瘀血在肉童子小便下。十種水氣四肢浮腫大戟湯下。一切瘡疾桃柳梢葉七片煎湯下。大便閉結麻子仁湯下。

神仙如意丸

出楊氏家藏方

治男子婦人一切風勞氣冷心腹

積滯脾寒瘡疾膿血瀉痢咳嗽目疾小兒諸疾雜病

方

砒二兩研黃丹五分

炒

草烏頭

五錢生去皮尖為末

硃砂

一錢別研

已

豆

十二枚去皮不去油

大鼈

六枚去殼別研生用

雄黃

五錢別研

黃蠟

二兩歷

青

二兩別研

右件前七味研勻次鎔黃蠟歷青二味濾過與前藥末搜和圓如鷄頭實大以硃砂為衣每服一圓隨病証用湯使送下如心痛及脾寒瘡疾燒鉄淬醋湯下
○久痢脫肛及休息痢脾虛泄瀉並以陳艾心七枚棗三枚乾姜一塊皂子大水一盞煎至半盞下愈一

月只可食淡粥○寒熱氣塊嚼乾用白湯下○一切
酒食傷生姜湯下○赤白痢乾姜灰半兩炙溫末米
飲調下○眼多冷淚不止煎椒鹽湯下○暑氣並熱
嗽乳糖生姜湯下○小便冷淋茴香水通酒調海金
砂末一錢下○男子小腸氣炒茴香鹽酒下○婦人
赤白帶下燒稱鉅淬醋送下○血山崩及血瘕燒稱
鉅淬酒下○月經不勻當歸紅花湯下○小兒急慢
驚風丸如黃米大小兒急驚風金銀薄荷湯下慢驚

金銀湯下○小兒瀉痢九如菜豆大以艾心三枚棗一枚薑三片水一盞煎至二分下半丸

經進烏頭丸

出衛生家寶方

治五臟諸疾腹內積聚多年氣塊

大如碗小如盞或冷氣攻臍腹攪痛十種水病番胃嘔逆五淋五痔九種心疼一切腹痛諸風癰瘰頑痺傷折內損天陰多痛或婦人無子斷續多年或小兒驚癇手足煩熱能除膏肓之疾

川烏

炮去皮尖二兩半

黃連

去鬚

肉桂

取心

乾姜

炮

川椒

炒去目

遠志心去人參

石菖蒲 桔梗

防風尾去巴豆皮去

膜心出油研

白茯苓

吳茱萸

洗焙厚朴

姜汁製

紫苑

洗焙柴

胡去杏仁

尖研

甘草

炙

猪牙皂角

炙去黑皮

右為細末煉蜜為丸如菉豆大每服三九空心或臨

卧酒送下漸加至五九功效不可具述

烏藥散

出衛生家寶方

治傷脾傷暑傷風傷氣傷冷吐瀉洩瀉

惡心寒熱頭疼體重倦怠不思飲食榮衛不順肢節

不和諸証不論冷熱百病先進三兩服大人小兒孕

婦室女皆可服每服二錢生姜二片棗二枚水八分
盞煎至五六分不計時候沸湯酒點服亦得

烏藥

六兩半去心切片子

白芷

六兩

白朮

二兩半

蒼朮

三兩米泔浸一宿切

子甘草

六兩半炒

青橘皮

六兩去穰

右件焙乾碾為細末炒共重三十兩

紫葛丸

紫葛 石膏 人參 丹參 紫參 苦參 玄

參 細辛 齊鹽 伐楮 蓰蓉 巴豆 烏頭

各三乾姜 桂心 獨活 各五

右為細末蜜和搗萬餘杵丸如小豆大每服六丸食
前三丸食後三丸忌五辛猪鷄魚蒜若覺體中大熱
各減一丸服後十日得利黃白汁大佳婦人食前食
後只服二丸兩歲以下小兒服丸如米粒大此藥治
諸熱不調兼腹中積聚心腹滿心下堅痰飲宿食吐
逆上氣短氣咳嗽咽喉鳴黃疸久瘡面腫身浮腫四
肢煩腫坐起體重熱病濕慝下部痒體瘡痒闕格不

通大腸出熱淋下利顏色不定羸瘦無力弱房少精
精冷身體斑駁從高墮下絕傷墮胎後傷損血皮肉
焦爛月水不定或後或前月水斷心下悶滿肩膊沉
重小兒百病小兒癖氣乳滯不消小兒身常壯熱腹
內有病服之比瘥尤令人肥悅好顏色強陽道能食
飲性亦宜患熱人服

凡割喉者用脚騎患人頭項以絲線先縫內喉管却縫

外喉管

出永類
鈴方

右用封血藥或喉被人打葉了以手揉圓之

割項見急濟方若喉結傷重軟喉斷不治結下食喉管斷以湯與之得入腸可治若並出不治封口藥

出永類鈴

方

右用江邊厚蚌殼燒存性入赤石脂國丹油調塗消紅腫散血合口加血竭國丹乾搽

礬石丸

出續易簡方

治外寒客搏內冷相合氣收夜聚化而

成飲因服熱藥自腰已上復增客熱散而為汗亡陽

內虛睡中驚悸服此溫利

礬石

煨一宿
二兩

旋復花

桂

去粗皮

枳實

浸去核
麴炒

人參

各五
分

乾姜

芍藥

白朮

各一
兩

茯苓

烏頭

炮去
皮

細辛

去苗

大黃

濕紙
裹煨

厚朴

去皮
姜製

吳茱萸

炒

羌花

炒
搗

皮

各一
兩

甘遂

炒一
分

右為末煉蜜丸如梧子大飲下五丸未知漸加

治眼目頭面口齒鼻唇耳諸疾

出本
草方

右用枇杷葉去毛焙乾末之茶調下一二錢日三服

楊氏內抵黃芪丸

出永類
鈴方

治針灸傷經絡流膿不止

黃芪

兩八當歸

兩三肉桂

木香

乳香

研別

沉香

各一兩

右為末菜豆粉四兩姜汁煮糊丸桐子大每服五十

丸熟水送下不拘時

千金丸

治中風虛寒停留飲食膈氣噎氣五積六聚

反胃吐食胃腹脹滿刺痛及心痛徹背手足不收言
微氣短或結癥塊在腹脇間大如杯盃時發痛及咽
酸吐苦氣逆喘咳飲食不進漸至浮腫且久病痢泄

或霍亂吐下或勞傷虛損或羸瘦憔悴或痰多積水
及疝氣痞氣奔豚等氣於藥到處即時效應一切胃
弱臟虛腹內諸冷並主之

烏頭 附子 川椒 桂心 吳茱萸 菖蒲

遠志 人參 茯苓 蒼朮 枳殼 茴香 神

麴 麥蘖 胡椒 乾姜 肉豆蔻 木香 縮

砂 紅豆 三稜 蓬朮 陳皮 白豆蔻 丁

香 藿香 甘草 桔梗 薏苡 山藥 白扁

豆 良薑 益智等分

右末蜜丸彈子大每服一九湯飲嚼下胃膈病即食

後服

炒鉛丹法出本草

右用鉛一斤土硫黃二兩硝石一兩右先溶鉛成汁
液下醋點之滾沸時下硫黃一小塊并續下硝石少
許俟沸定再點醋依前下少許硝黃已消盡鉛亦盡
乃炒為末成丹

治五臟百病養神安魂魄益氣明目通血脉止煩滿益精神殺精魅惡鬼氣久服通神明不老輕身令人心

靈

出本草

右以水銀一兩硫黃六銖細研先炒作青砂頭後入於水火既濟爐抽之如束針絞者乃成靈砂服之

澤瀉湯

出本草

治雜病心下有支飲苦悶

右以澤瀉三兩白朮二兩水二升煎取半升温再服之深師治支飲亦同用瀉朮但煮法微有別先以水

二升煮二物取一升又以水一升煮滓取五合再合此二升汁分為再服病甚欲眩者服之必瘥

服何首烏法

出本草

按何首烏赤者雄白者雌採時乘濕以布帛拭去土淨後用苦竹刀切米泔浸一宿暴乾忌鐵以木臼杵碎搗末酒服一云春採根秋採花九蒸九暴乃可服之何首烏傳云何首烏者順州南河縣人祖名能嗣其父名延秀能嗣長慕道術隨師在山因醉夜卧山

野中忽見有藤二株相去三尺餘相交久而方解了
乃又交驚訝其異至旦遂掘其根歸問諸人無識者
其後有山老忽來示之答曰子既無嗣其藤乃異此
物恐是神仙之藥何不服之遂杵為末空心酒服一
二錢服數月似強因此常服又加二錢服之經年舊
有疾皆痊髮烏容少數年之內即有子名廷秀秀名
首烏首烏之名因此而得生數子年一百餘歲髮墨
黑有李安期與首烏鄉里親善竊得方服其壽至長

因遂叙其事何首烏味甘生溫無毒茯苓為使治五
痔及腰膝之病冷氣心痛積年勞瘵痰癖風虛敗劣
能長筋力益精髓壯氣駐顏黑髮延年婦人惡血痿
黃及產後諸疾赤白帶下毒氣入腹久痢不止其功
用不可具述一名野苗二名交藤三名夜合四名地
精其五名首烏本出處州江南諸道皆有之苗葉皆
有光澤有如桃李葉雄苗赤根遠不過三尺春秋日
可採可晾乾去皮為末酒下最良有疾即用茯苓湯

和下為使者常杵末新堯器盛服之忌猪肉血無鱗
諸魚觸藥無力此藥形大如拳連珠其中有形鳥獸
與山岳之狀足珍也掘得去皮生喫得味甘甜休良
其讚曰神效助道著在仙書雌雄相交夜合晝踈
服之去殼日居月諸返老還少變安病軀有緣者
遇傳之勿泄最善自如明州刺史李遠傳錄經驗何
首烏之所出順州南河縣韶州潮州思州賀州廣州
及四會縣潘州已上出處為上邕州晉興縣桂州康

州及春州勤州高州循州已上所出次之其仙草至五十年者如拳大號山奴服之一年髭鬚青黑至一百年如椀大號山哥服之一年顏色紅悅至一百五十年如盆大號山伯服之一年齒落重生二百年如一斗栲栳大號山翁服之一年顏如童子及奔馬至三百年如三斗栲栳大號山精服之一年延齡純陽之本體久服成地仙又李暉因著方錄云春末夏中與初秋三時候晴明日蕪雌雄採之烈日暴乾散服

以酒下良採時盡其根乘潤以布帛拭去泥土勿損其皮密器貯之每月再暴凡服偶日二四六日是服之訖以衣覆汗出導引尤忌猪羊血

治百病煨製雲母粉法

右以雲母一斤拆開揉碎入一大瓶內築實上浮至水銀一兩封固以十斤炭火煨通赤取出却拌香葱及紫引翹草二件合搗如泥後以夾絹袋盛於大水磁盆內搗取粉餘滓未盡再添草藥重搗如前法取

出粉沉水乾以小木盆一面於灰上印一淺坑鋪紙
平傾粉在內直候乾移入火焙之取出細研以麪糊
為丸如桐子大遇有病者服之無不效知成都府辛
諫議公曾忠惠大風衆醫不效遇此道士進得此方
治服之有神驗

服稀荳法

稀音喜
荳音秋

稀荳草俗名火拔草端午日採者固佳六七八月多
多採下終不若九月採者其子稈花實氣足尤妙相

去其根五寸留葉先以冷熟水淨洗過曝用少酒灑
之上甑蒸飯久取曝乾九蒸九曝除其燥性曬乾以
皮紙袋盛掛當風處用時碾為細末煉蜜加搗千杵
合為丸如桐子每日早食前服五十丸漸加至一百
餘丸服了以三兩匙飯壓之只忌白馬肉餘無所忌
迨服一兩月後所患或發動是藥搜攪切勿畏之以
其能補虛損培元氣最有功一名火輪丹勝於服椒
末及何首烏之效服之覺燥即減丸數時以生蜜入

生姜煎沸湯點服或水調亦得此草處處有之春生苗其葉似芥菜而狹長莖高三二尺秋初有花秋莫乃結實苗色赤稗色紫者為上青色者次之須要辨晰認節葉相對其根白枝幹方稜花小而黃向上開其葉青下有金絲紋者乃稀簽也其根白枝幹圓花色黃而向下開如杓狀葉色深綠者下無金絲紋節與葉不相對者乃鶴蟲也但稀簽高於鶴蟲其枝葉形亦畧似蒼耳牛膝不可不細辨也。諸般風氣痢

疾桑株上木耳湯下。冷氣痢冷風乾姜湯下。軟痺風頑麻風白殭蠶湯下。諸風勞氣溫酒或淡鹽湯下。奔豚氣膈氣腎餘氣乳香湯下。筋骨風邪炒皂莢子湯下。血風氣芸臺子湯下。久患血痢疾荊芥湯下。疳蛔蟲飯飲下。一切風疾以人參湯下。寸白蟲空心先喫牛肉脯後用飯飲下。

江陵府節度使成訥進稀蒼丸

奏狀載在本草

臣有母弟訢年三十一中風床枕五年百醫不差後

遇道人鍾針者因覩此患曰可餌稀黃丸必愈其藥
每多生沃壤高三尺許節葉相對其葉當夏五月以
來採收每去地五寸剪刈以溫水洗泥土摘其葉及
其枝頭凡九蒸九曝不必太燥但取蒸為度仍熬搗
以為末丸如桐子大空心溫酒或米飲下二三十丸
漸服至二千丸所患忽加不得憂慮是藥攻之力服
之至四千丸必得復故五千丸當復丁壯臣依法修
合與弟訢服果如其言鍾針又言此藥與本草所述

之功效相異蓋出處盛在江東彼土人呼猪為稀又
呼臭為蒼緣此藥如猪臭氣故以為名但經蒸曝其
臭氣自泯每常服後須喫飯三五匙壓之五月五日
採者佳

張忠定公詠進火欬草方

表載在本
草及類苑

臣聞食食飲水可作充腸之饌餌松食栢亦成救
病之方是以療飢者不假于珍羞愈病者何煩于
異術既獲濟時之藥敢陳彼物之形不止管窺輒

干天聽臣中謝臣謂四時推運負陰陽者必有可
觀萬彙發生吐風土者寧無所益俱承帝力咸荷
天休或叨摘採之知願試苦辛之効伏惟陛下慈
深憫物道切憂民行百王久隆之文納羣后可言
之事以至恩沾兆庶信及豚魚風雨順而災沴不
生天地和而黎元盡太宸衷不倦聖意難窮臣因
聽政之餘備閱古方之秘盡醫民瘼徧討物情唐
太宗輕剪龍鬚為思一將宋高祖碎春琥珀止慰

三軍又焉能病吾皇廣添歷代之寶書甄別三王
之所澤咸蘓萬有溥活羣生覆冒久照之方明幽
罔間華夏昇平之俗造次奚論臣遭逢盛時歌謠
景運皇風建極聖慮猶勞不忍緘言常思報國既
服唐虞之教尚抒葵藿之忱森森羣沍已遂朝宗
之望茫茫列曜更投拱極之誠是以不度僭踰輒
形間翰事稍同於封菲理竊近於芻蕘臣所奏聞
者因換當州龍興觀元始天尊玉皇大帝殿基得

一小名石彈子內說脩養氣術并草藥方二件臣
依方差人訪問採覓其草頗有異形金稜銀桿素
根紫葉對節而生蜀號為火欬草莖葉頗同蒼耳
不費登高歷險每常求少獲多急採非難廣收甚
易儻歷久服旋見神功誰知至賤之中乃有殊常
之效微臣自喫至百服耳目輕明即至于朝髭鬚
烏黑筋力頗健效驗多端臣本州右都押衙羅守
一曾因中風墜馬失音不語臣與十服其病立愈

又大慈寺中知院僧同副正明教大師知嚴年乖七十忽患偏風行履妨廢臣與十服旬日並瘳有玉局化主道士皇甫因上元日與合城奏醮中客眼斜時時吐曝臣與十服立便得差今輒修合一百劑謹差奔番員史元龜奉表奏進臣無任瞻望聖恩激切之至謹奏 右藥雖載方冊人多易之蓋未知其驗也歲在壬戌僕見在軍統領官翬材老而色潤鬚髮如漆飲啖倍人問其年若何答曰六十九再詢何

以至是乃云自四十九歲服火欬每空心溫酒或
鹽湯下百五十丸間有疾服他藥甫數日則鬚髮
差黃再服是藥數日其黑如初坐間有前武興蔡
戎幹晉卿云其先節使亦服此藥三十餘年晚歲
康強步履輕快享年八十一微二子幾失之此方
惜乎僕老矣服之苦無近效有客勉僕試即修製
服餌何傷也每日早晚共服二百丸治七萬丸服
方覺得力當盡此生而不輟則本草所載二公之

奏近日二子之言豈欺我哉然不可不書以告人俾知盛年信而服之必收晚年之奇效也

服鹽方

出肘後方

療暴得熱病頭痛目眩并卒心腹痛及欲

霍亂痰飲宿食及氣滿喘息久下赤白及積聚吐逆之氣少力顏色痿黃瘡瘡諸風服法如後

右取上好鹽先以大豆許口中含勿咽須臾水當滿於口水近齒更用方寸匙抄鹽內口中與水一時咽下不爾或令消盡喉若久病長服者至二三月每旦

起先服或吐或安急卒病可服三方寸匙取即吐利
如不吐利更加服新患瘡者服即差心腹痛及滿得
即吐下亦佳久病每以心中熱為患三五日一服佳
任加服取吐利利不損人久服大補豚腎氣五石無
有不差之病但憫人不服服不能久取此為瘡方無
不瘥又云卒心痛鬼氣宿食不消霍亂氣滿中毒咸
煎作湯服一二升後便吐之良

治猫鬼野道病歌哭不自由方

右以五月五日自死赤蛇燒作灰研令細平旦時用井華水調服一錢一方用鴈月死貓兒頭燒灰水調服一錢

又方

右用鴈月猪脂小兒頭髮灰相和熱酒調下一錢

致鼠

出本草

右以蟬用黑犬血灌三日燒之諸鼠畢至又和敗漆火燒之亦至

治身有赤疵

出本草

右常以銀搯令熱久漸漸消

治百病長生神仙方

出本草

右以百草花煮汁釀酒服之異類云鳳剛者漁洋人也每常採百花水漬付泥埋之百日煎為丸卒死者取內口中即活

治一切病

出本草

右以訶梨勒長五寸者帶之昔高仙芝於大食得訶

梨勒其長五寸初置抹肚中便覺服中痛因大利十
餘行初以為訶梨勒為崇殆欲棄之後問大食長老
乃云此物人帶之一切病消利者出惡物耳仙芝甚
為寶貴天寶末被誅遂失所在

治五野鷄病

出本草

右以蝦煮食之

治百病

出本草

右以胡麻蒸為末白蜜為丸服之

去百疾長生通神

出本草

右以十月上巳日採槐子隨湯使服之槐者虛星之精也

治野鷄病

出本草

右以杏仁一兩去皮尖雙仁搥碎水三升研濾取汁液於鐺中煎以杓攪轉在手候三分減二冷呷之不及熟及熟呷之即令人吐

治斷酒

出本草

右取鷓鴣糞灰水服方寸匙

一名蜀水花

治百病

出本草

令人身輕

右以桃膠角桑灰漬之服百病愈常服令人身輕有
若光明在晦夜之地

治患人耽睡

出本草

右搗花穀葉服驗

治男子患未可及新差後合陰陽垂至死

出本草

右取白馬糞五升絞取汁好器中盛停一宿一服三

合許日三夜二服

醒睡

出本
草

右以酸棗噉之

治吃

出本
草

右取鵲鴿炙食之小兒吃者不過一枚差也

令人通夜不睡

出本
草

右以瓜蘆木葉作屑煮汁服之

一名
畢蘆

治惡疾目昏不辨人物眉髮自落鼻梁崩倒肌膚有瘡

如癬咸應神仙傳

出本草

右用皂角刺一二斤為灰蒸久聯研為末食時濃煎
川大黃湯調一錢零服昔崔言者職隸左親騎軍一
旦忽得疾雙眼昏咫尺不辨人物眉髮自落鼻梁亦
崩倒肌膚有瘡如癬皆為惡疾勢不可救因為洋州
觀察歸至駱谷遇一道流自谷中出不言名姓授此
一方服一旬日鬚髮再生肌膚悅潤眼愈倍常明傳
以此方後却入谷不知所之

治諸吃噫

出本草

右用橘皮二兩湯浸去瓢剉以水一升煎至五合許

乘熱更加枳殼一兩去瓢炒同煎之服效

麝香散

出衛生家寶

治運血不歸肝或吐逆或便血服之大

安心胃并治傷寒吐及小兒吐此方累試皆效

人參

白茯苓

芎藭

各半兩

麝香

一錢研

藿香葉

一分

薰陸香

二錢

辰砂

一分

丁香

一分新者不可見火

右為末每服一錢薄荷棗子湯下小兒半錢薄荷蜜

湯調下

療男子婦人小兒大腹黑血如濃茶色或膿血如淀色

若蟲痢者服此又能殺五臟蟲

出本草

右取側柏葉焙乾為末與川黃連同煎為汁服之大
有殊效

杏酥法能去風虛除百病

出本草

右搗杏仁一石以好酒二石研濾取汁一石五斗入
好白蜜一斗五升攪勻封於新甕中勿洩氣三十日

後看酒上酥出即內甕器中貯之取其酒滓團如梨
顆大置空屋中作格安之候成胎脯狀旦服一枚以
前酒和下其酒任性飲之

治稷米飯與瓠子同食令冷病發

出本草

右用黍釀汁飲之即瘥

潤肌肉通血脉

出本草

右服胡桃初日一顆五日加一顆至二十顆止常服
之令人骨肉細膩光潤

治面目煙悶四肢不健通十三經脉洗五臟惡氣

出本草

右以惡食作菜常食之令人身輕

治人健行

出本草

右用胡麻油傅兩足繒帛裹之可日行萬里

辟疔

出本草

右以仙人杖煎水服之

除寒熱不通之氣

出本草

右用通草煮汁釀酒妙

取汗方

出本草

右以大甌中蒸土一兩石熱坐卧其上取處熱徹汗出徧身仍隨疾服藥和鼠壤用亦得

治一切血氣及一切冷疾去百病久服延年變白不老

出本草

右取扶芳藤一名漫藤以莖葉細剉煎性冷以酒浸透服昔隋朝稠禪師作青飲進煬帝以止渴又云藤之苗小時如絡石薛荔黃緣樹上三五十年漸大其

枝葉繁茂採取無時

治霍亂腹中不安消穀理胃氣溫中除邪痺毒氣

右五月五日採小蒜曝乾葉主心煩痛解諸毒小兒
之丹軫不可久食損人心力黃帝云食小蒜噉生魚
則令人奪氣陰核腫求死三月勿食小蒜傷人志性
令人通夜不寐

右用馬頭骨作枕枕之

鹽主殺鬼蟲氣下部惡瘡傷寒熱吐胃中痰癖上心腹

卒痛堅肌骨黃帝云食甜瓜竟食鹽成霍亂又主大腸不通

右取鹽和苦酒傳臍下乾易愈

治一切病患

右用預知子日服二七粒患者不過三千粒永差

治百病無問傷寒中風嗽嗽瘕積水腫瘡疥瘰癧氣急月候不調秘澁氣痢等病

右用葳靈仙一味洗浸焙乾為末用好酒和令微濕

放入竹筒內牢塞口九蒸九曝如乾添酒重洒以白
米飯和九如桐子大每服二十九至三十九湯酒任
吞下

治百病

右單採取菖蒲得緊小似魚鱗者擇一斤許以水及
淘米泔浸各一宿又刮去皮切曝搗篩以糯米粥和
調勻入蜜搜丸如桐子大稀葛袋盛置當風處令乾
於每旦酒飲任下三十九臨卧更服二十九久得效

治人夜卧譟語

右用靈床土菓子食之即差

濟世丹

斑猫

一錢去頭翅

全蝎

一錢去足另研

草烏

一箇去皮

雪膏

一兩宿乾另研

沉香屑

一錢木香

巴豆

一錢半去皮油

蓬莪朮

二錢炮

姜黃

丁香

一錢粉霜

一錢另研

草果

一錢荆三稜

二錢炮

礪砂

一錢

另三奈子

一錢肉豆蔻

二錢檳榔

二錢香附子

二錢甘草

二錢

炙烏藥

二錢雄黃

一錢另研

麝香

一錢半另研

用好者

右二十二味為細末打醋麵糊丸如小桐子大硃砂為衣每服三九五九七九九九十一九十三九十五丸服者只用單數鹽湯送下溫水亦得不損真氣除疾根治百病凡傷心腹疼痛胃膈滿悶不思飲食及癥瘕食積氣塊並皆治之如諸病所傷隨所傷病作引子如酒傷酒下茶傷茶下麵傷麵湯下大小便不通溫水下九種心疼石菖蒲湯下泄瀉不止乾姜湯下赤痢甘草湯下白痢陳米湯下翻胃吐食人參湯

下八般瘕氣疝氣小茴湯下婦人經病艾醋湯下經
閉不通紅花湯下或蘇木湯下小兒內傷滑腸夜起
宿食不化生姜湯下婦人赤白帶下黃芪湯下牛馬
肉所傷酒汁下上至八十下至童男女週歲三歲小
兒結病在身此藥並皆治之和脾胃順三焦磨積順
氣大有神效小兒常服米飲湯下

春秋二時龍帶精入芥菜中人遇食之為病發時手青

肚滿痛不可忍作蛟龍病

方見諸毒
門解毒類

獨聖散

砒不拘多少

右為細末每服一字以新水調下
乾開牙關嚥之尋常勿用



普濟方卷二百五十六